

**MEMORANDWM CYDSYNIAD DEDDFWRIAETHOL ATODOL
(MEMORANDWM RHIF 3)**

BIL YR HEDDLU, TROSEDDU, DEDFRYDU A'R LLYSOEDD

1. Gosodir y memorandwm cydsyniad deddfwriaethol atodol hwn o dan Reol Sefydlog ("RhS") 29.2. Mae RhS29 yn rhagnodi bod rhaid gosod memorandwm cydsyniad deddfwriaethol, ac y ceir cyflwyno cynnig cydsyniad deddfwriaethol, gerbron Senedd Cymru os yw Bil gan Senedd y DU yn gwneud darpariaeth mewn perthynas â Chymru at unrhyw ddiben sy'n dod o fewn cymhwysedd deddfwriaethol Senedd Cymru, neu sy'n addasu'r cymhwysedd hwnnw.
2. Cyflwynwyd Bil yr Heddlu, Trosedd, Dedfrydu a'r Llysoedd ("y Bil") yn Nhŷ'r Cyffredin ar 9 Mawrth 2021. Ystyrir bod angen cydsyniad deddfwriaethol ar gyfer nifer o'r cymalau yn y Bil. Gosodwyd Memorandwm Cydsyniad Deddfwriaethol ar 22 Mawrth ac wedyn ar 28 Mai, pan gafodd y Bil ei ailgyflwyno i Senedd y DU. Gosodwyd Memorandwm Cydsyniad Deddfwriaethol Atodol (Memorandwm Rhif 2) ar 5 Tachwedd yn dilyn gwelliant i ddarpariaethau'r Ddyletswydd Trais Difrifol (cymal 17), sy'n golygu bod yn rhaid i'r Ysgrifennydd Gwladol gael cydsyniad Gweinidogion Cymru cyn cyfarwyddo awdurdod datganoledig yng Nghymru. Mae'r cymalau y cyfeirir atynt yn y Memorandwm atodol hwn yn cyfeirio at y Bil fel y'i diwygiwyd ar 24 Tachwedd, sydd i'w weld yn: [newbook.book \(parliament.uk\)](http://newbook.book.parliament.uk)
3. Cyflwynodd Llywodraeth y DU gyfanswm o 91 o welliannau i'r Bil ar 1 Rhagfyr i'w hystyried yng Nghyfnod Adrodd Tŷ'r Arglwyddi, ac mae angen cydsyniad y Senedd ar gyfer 15 ohonynt. Mae'r Memorandwm Cydsyniad Deddfwriaethol Atodol hwn (Memorandwm Rhif 3) yn nodi safbwynt Llywodraeth Cymru ar y gwelliannau sy'n effeithio ar faterion datganoledig yn fy marn i, ac mae hefyd yn ailddatgan safbwynt Llywodraeth Cymru ar weddill cymalau'r Bil sy'n gofyn am gydsyniad y Senedd yn fy marn i.
4. Mae'r memorandwm hwn wedi'i osod cyn gynted â phosibl ar ôl i'r gwelliannau hyn gael eu cyflwyno, gan ganiatáu dadansoddiad llawn o'u heffaith.

Amcan(ion) Polisi

5. Amcanion polisi datganedig Llywodraeth y DU yw gwneud y wlad yn fwy diogel drwy rymuso'r heddlu a'r llysoedd i gymryd camau mwy effeithiol yn erbyn troseddau ac arwain system gyfiawnder deg. Mae hyn yn cynnwys ymrwymiad penodol i: ddiogelu a grymuso'r heddlu drwy ymgorffori Cyfamod yr Heddlu mewn cyfraith; pasio'r Bil; a chyflwyno gorchymyn llys newydd i dargedu'r sawl y mae'n hysbys eu bod yn cario cyllyll, gan ei gwneud yn haws i swyddogion stopio a chwilio'r rhai hynny a ddyfarnwyd yn euog o droseddau'n ymwneud â chyllyll.

6. O ran y llysoedd a dedfrydu, mae'r Bil yn cynnwys ymrwymiadau i: rymuso'r llysoedd i fynd i'r afael â throsteddu; sicrhau system gyfiawnder deg drwy gyflwyno dedfrydau llymach i'r trosteddwyr gwaethaf a rhoi terfyn ar ryddhau trosteddwyr yn awtomatig o'r carchar hanner ffordd drwy eu dedfryd am droseddau difrifol. Mae hefyd yn ceisio cryfhau dedfrydau cymunedol, er enghraifft drwy gryfhau cyrffiw, gwneud i'r rhai hynny a euogfarnwyd ymgymryd â mwy o oriau o wneud iawn â'r gymuned, cael pobl i gefnu ar droseddau, a thorri'r cylch aildroseddau.

Crynodeb o'r Bil

7. Noddir y Bil gan y Weinyddiaeth Gyfiawnder.
8. Mae'r Bil yn gwneud darpariaeth;
 - i'r heddlu a gweithwyr gwasanaethau brys eraill wneud darpariaeth ynghylch cydweithio rhwng awdurdodau i atal a lleihau trais difrifol;
 - ar gyfer trosteddau newydd ac addasu trosteddau presennol;
 - ynghylch pwerau'r heddlu ac awdurdodau eraill at ddibenion atal, canfod ac ymchwilio i droseddau neu eu herlyn, neu at ddiben ymchwilio i faterion eraill;
 - ynghylch cynnal y drefn gyhoeddus;
 - ynghylch symud ymaith, storio a gwaredu cerbydau; i wneud darpariaeth mewn cysylltiad â throsteddau gyrru;
 - ynghylch rhybuddion;
 - ynghylch mechnïaeth a rémand;
 - ynghylch dedfrydu, cadw, rhyddhau, rheoli ac adsefydlu trosteddwyr;
 - ynghylch Academiâu diogel ar gyfer rhai 16-19 oed; s
 - mewn cysylltiad â gweithdrefnau gerbron llysoedd a thribiwnlysoedd; ac at ddibenion cysylltiedig.

Newidiadau i'r Bil ers cyhoeddi'r Memorandwm Cydsyniad Deddfwriaethol blaenorol (Memorandwm Rhif 2) y mae angen cydsyniad ar eu cyfer

9. Gwelliannau i Swyddogaethau'n ymwneud â Thrais Difrifol –
Dyletswydd Trais Difrifol

Gwelliannau i Gymal 7 (Dyletswyddau i gydweithio a chynllunio i atal a lleihau trais difrifol) a Chymal 8 (Pwerau i gydweithio a chynllunio i atal a lleihau trais difrifol)

Mae'r gwelliannau hyn yn ei gwneud yn ofynnol i awdurdodau penodedig gyhoeddi'r strategaeth sy'n ofynnol gan gymal 7 ac yn sicrhau nad yw strategaeth o'r fath yn cynnwys deunydd a allai beryglu diogelwch unrhyw berson, a allai amharu ar atal neu ganfod trosedd neu ymchwilio i drosedd, neu beryglu diogelwch. Maent hefyd yn gwneud darpariaeth bellach ynghylch cyhoeddi neu ledaenu'r strategaeth.

Gwelliant i Gymal 9 (Pŵer i awdurdodi cydweithio etc. gyda phersonau eraill)

Mae'r gwelliannau hyn yn sicrhau nad yw Rheoliadau a wneir gan yr Ysgrifennydd Gwladol o dan gymal 9 yn caniatáu datgelu gwybodaeth am gleifion na datgelu gwybodaeth bersonol gan awdurdod iechyd neu ofal cymdeithasol.

Gwelliannau i Gymal 12 (Atal a lleihau trais difrifol)

Mae'r gwelliannau hyn yn ehangu'r diffiniad o drais difrifol i gynnwys cam-drin domestig fel y'i diffinnir yn Neddf Cam-drin Domestig 2021 a throseddau rhywiol fel y'u diffinnir yn Neddf Troseddau Rhywiol 2003.

Gwelliannau i Gymal 15 (Datgelu gwybodaeth)

Mae'r gwelliannau hyn yn sicrhau na fydd unrhyw ddatgeliad o wybodaeth a awdurdodir gan gymal 15 yn awdurdodi datgelu gwybodaeth am gleifion na datgelu gwybodaeth bersonol gan awdurdod iechyd neu ofal cymdeithasol.

Gwelliannau i Gymal 16 (Cyflenwi gwybodaeth i gyrrff plismona lleol)

Mae'r gwelliannau hyn yn cyfyngu ar yr wybodaeth y gall corff plismona lleol ofyn amdani o dan y cymal i wybodaeth a gedwir gan y person y gwneir y cais iddo. Mae'r gwelliannau hefyd yn sicrhau na ellir datgelu gwybodaeth am gleifion na datgelu gwybodaeth bersonol gan awdurdod iechyd neu ofal cymdeithasol.

Diwygio Cymal 18 (Canllawiau)

Mae'r gwelliant hwn yn ei gwneud yn ofynnol i ganllawiau a gyhoeddir gan yr Ysgrifennydd Gwladol sy'n ymwneud ag arfer swyddogaethau o dan y ddyletswydd trais difrifol gael eu gosod gerbron Senedd y DU.

Diwygio Cymal 19 (Gwelliannau i Ddeddf Trosedd ac Anhrefn 1998)

Mae'r gwelliannau hyn yn ehangu'r diffiniad o drais difrifol i gynnwys cam-drin domestig fel y'i diffinnir yn Neddf Cam-drin Domestig 2021 a throseddau rhywiol fel y'u diffinnir yn Neddf Troseddau Rhywiol 2003 ac yn gwneud addasiadau dilynol i Ddeddf Trosedd ac Anhrefn 1998.

Diwygio Cymal 22 (Mynegai o ymadroddion diffiniedig)

Mae'r gwelliannau hyn yn ychwanegu "awdurdod iechyd neu ofal cymdeithasol" a "gwybodaeth i gleifion" at y mynegai o ymadroddion diffiniedig.

Gosodais Gynnig Cydsyniad Deddfwriaethol yn flaenorol (ar 28 Mai) mewn perthynas â'r holl gymalau uchod am eu bod yn effeithio ar faterion datganoledig ac Awdurdodau Datganoledig Cymreig. Mae'r gwelliannau, fel y'u disgrifiwyd, hefyd yn effeithio ar faterion datganoledig ac Awdurdodau Datganoledig Cymreig. Felly, gosodir y Memorandwm atodol hwn mewn perthynas â'r cymalau hyn fel y'u diwygiwyd.

10. Gwelliannau i Gymal 31 (Adolygiad Lladdiad ag Arfau Tramgwyddus - Canllawiau), a Chymal 65 (Gwersylloedd Anawdurdodedig - Canllawiau ar arfer pwerau'r heddlu mewn perthynas â thresmaswyr ar dir etc)
Mae'r gwelliannau ar gyfer y cymalau uchod yn ei gwneud yn ofynnol i unrhyw ganllawiau a gyhoeddir gan yr Ysgrifennydd Gwladol o dan y cymalau hynny gael eu gosod gerbron Senedd y DU.

Mae'r cymalau hyn eisoes wedi'u cynnwys yn y Memorandwm Cydsyniad Deddfwriaethol a osodwyd ar 28 Mai 2021 gan eu bod yn effeithio ar faterion datganoledig. Mae'r gwelliannau i'r cymalau yn ganlyniadol ac felly'n effeithio ar faterion datganoledig. Felly, gosodir y Memorandwm atodol hwn mewn perthynas â'r cymalau hyn fel y'u diwygiwyd.

11. Gwelliant i Gymal 36 (Echdynnu gwybodaeth o ddyfeisiau electronig: ymchwilio i droseddau etc), 40 (Echdynnu gwybodaeth o ddyfeisiau electronig: ymchwilio i farwolaeth) a 42 (Rheoliadau ynghylch echdynnu gwybodaeth electronig)
Gwneir Gwelliannau i gymalau 36, 40 a 42 sy'n gwneud darpariaeth yn ymwneud ag echdynnu gwybodaeth gyfrinachol wrth echdynnu gwybodaeth. Mae'r gwelliannau hyn yn disodli'r ddyletswydd ar yr Ysgrifennydd Gwladol yng nghymal 42 i wneud Rheoliadau ynghylch darpariaethau o'r fath.

Yn flaenorol (28 Mai), gosodais Femorandwm Cydsyniad Deddfwriaethol mewn perthynas â'r cymalau hyn gan eu bod yn effeithio ar faterion datganoledig ac Awdurdodau Datganoledig Cymreig. Mae'r effaith ar faterion datganoledig yn aros yr un fath o ganlyniad i'r gwelliannau hyn. Felly, gosodir y memorandwm atodol hwn mewn perthynas â'r cymalau hyn fel y'u diwygiwyd.

Yn flaenorol, gosodais Femorandwm Cydsyniad Deddfwriaethol (28 Mai) mewn perthynas â'r cymalau hyn gan eu bod yn effeithio ar ddatganoli ac mae'r effaith honno'n aros yr un fath o ganlyniad i'r gwelliannau hyn. Felly, gosodir y Memorandwm atodol hwn mewn perthynas â'r cymalau hyn fel y'u diwygiwyd.

12. Gwelliannau i Gymalau 56 (Gosod amodau ar orymdeithiau cyhoeddus), 57 (Gosod amodau ar gynulladau cyhoeddus) a 62 (Gosod amodau ar brotestiadau un person)

Mae'r diwygiadau i gymalau 56, 57 a 62 yn rhoi'r diffiniad o darfu difrifol ar wyneb y Bil, yn hytrach na rhoi pŵer i'r Ysgrifennydd Gwladol ei ddiffinio mewn Rheoliadau. Mae'r Ysgrifennydd Gwladol yn cadw pŵer i ddiwygio'r diffiniad yn y Rheoliadau. Nid yw'r gwelliannau hyn yn gwneud newid i sylwedd y ddarpariaeth: y cyfan a wneir yw symud y gofyniad i ddiffinio tarfu difrifol o'r Rheoliadau i wyneb y Bil ei hun.

13. Gwelliannau i Gymal 61 (Achos niwsans cyhoeddus yn fwiadol neu'n ddi-hid)

Mae'r gwelliannau i gymal 61 yn egluro'r drosedd o niwsans cyhoeddus drwy ei gwneud yn glir mai dim ond pan achosir niwed difrifol i'r cyhoedd neu ran o'r cyhoedd y cyflawnir niwsans cyhoeddus.

Gosodais Femorandwm Cydsyniad Deddfwriaethol yn flaenorol (28 Mai) mewn perthynas â'r cymal hwn ar y sail ei fod yn gwneud darpariaethau sy'n ymwneud â materion datganoledig sy'n ymwneud â diogelu'r amgylchedd ac Awdurdodau Lleol. Mae'r effaith ar faterion datganoledig yn aros yr un fath o ganlyniad i'r gwelliannau hyn. Felly, gosodir y memorandwm atodol hwn mewn perthynas â'r cymalau hyn fel y'u diwygiwyd.

Safbwynt Llywodraeth Cymru ar y Bil diwygiedig – crynodeb

14. Yr holl gymalau yn y Bil yr wyf yn argymhell y dylai'r Senedd roi cydsyniad iddynt:

Cymal 7	Cymal 17	Cymal 61
Cymal 8	Cymal 18	
Cymal 9	Cymal 19	
Cymal 10	Cymal 20	
Cymal 11	Cymal 21	
Cymal 12	Cymal 22	
Cymal 13	Cymal 31	
Cymal 14	Cymal 36	
Cymal 15	Cymal 40	
Cymal 16	Cymal 42	

15. Yr holl gymalau yn y Bil yr wyf yn argymhell na ddylai'r Senedd roi cydsyniad iddynt:

Cymal 47	Cymal 62
Cymal 56	Cymal 63
Cymal 57	Cymal 65

Safbwynt Llywodraeth Cymru ar y Bil fel y'i diwygiwyd – cymalau yr wyf yn argymhell bod y Senedd yn rhoi cydsyniad iddynt (er gwybodaeth)

16. Dyletswydd Trais Difrifol (cymalau 7-22)

Y cymalau y mae'r memorandwm atodol hwn yn ymwneud â hwy yw cymalau 7, 8, 9, 12, 15, 16, 18, 19 a 22, manylir ar y diwygiadau i'r cymalau hynny ym mharagraff 9. Fodd bynnag, yma oherwydd cymhlethdod a maint y Bil, rwyf yn ailddatgan fy safbwynt mewn perthynas â'r pecyn o gymalau a elwir yn gymalau dyletswydd trais difrifol, sef pob un o'r cymalau o 7 i 11.

Mae Llywodraeth Cymru yn cefnogi'r ddarpariaeth i'w gwneud yn ofynnol i awdurdodau o fewn ardal llywodraeth leol gydweithio â'i gilydd i atal a lleihau trais difrifol. Mae'r gwelliant i ehangu'r diffiniad o drais difrifol i gynnwys cam-drin domestig yn golygu y bydd yn ofynnol i awdurdodau lleol, yr heddlu, awdurdodau tân ac achub, asiantaethau cyfiawnder troseddol penodedig ac awdurdodau iechyd gynnwys cam-drin domestig a throseddau rhywiol yn eu strategaethau trais difrifol o dan y Ddyletswydd Trais Difrifol.

Yn y Memorandwm Cydsyniad Deddfwriaethol a osodwyd ar 28 Mai, argymhellais roi cydsyniad i gymalau 7, 8, 10-16 and 19-22. At hynny, argymhellais y dylai'r Senedd atal ei chydsyniad i gymalau 9, 17 a 18 oherwydd y diffyg amddiffyniad a roddir i Awdurdodau Datganoledig Cymreig. Fodd bynnag, yn dilyn trafodaethau gyda Llywodraeth y DU, sicrhawyd gwelliant i gymal 17. Gosodais femorandwm atodol mewn perthynas â'r gwelliant hwnnw ar 5 Tachwedd 2021. Yn y memorandwm atodol hwnnw, argymhellais y dylai'r Senedd roi ei chydsyniad i gymalau 9, 17 a 18 ar y sail bod y gwelliant i gymal 17 yn diogelu natur ddatganoledig y darpariaethau hynny'n ddigonol.

O ganlyniad i'r gwelliannau y cyfeirir atynt yn y memorandwm atodol hwn, rwy'n parhau i argymhell bod y Senedd yn rhoi ei chydsyniad i'r pecyn o gymalau Dyletswydd Trais Difrifol, sef cymalau 7-22.

17. Adolygiad Lladdiad ag Arfau Tramgwyddus (Cymal 31 – Canllawiau)

Bydd yr adolygiadau Lladdiad ag Arfau Tramgwyddus newydd yn dwyn ynghyd bartneriaid diogelu lleol i gynnal adolygiad ffurfiol o'r amgylchiadau sy'n gysylltiedig â marwolaeth a'r defnydd o arfau tramgwyddus. Mae hyn yn rhoi cyfle i ddysgu gwersi pwysig ac i fabwysiadu dull cydweithredol o atal marwolaethau yn y dyfodol sy'n ymwneud ag arfau tramgwyddus, megis cyllyll a gynnu. Mae'r cymal hwn yn cynnwys dyletswydd i ymgynghori â Gweinidogion Cymru mewn perthynas ag awdurdodau datganoledig Cymreig, ynghylch unrhyw ganllawiau a gyhoeddir gan yr Ysgrifennydd Gwladol ac felly argymhellir bod y Senedd yn rhoi ei chydsyniad i gymal 31.

18. Echdynnu gwybodaeth o ddyfeisiau electronig (cymal 36 - Echdynnu gwybodaeth o ddyfeisiau electronig: ymchwilio i droseddau etc), Cymal 40 - Echdynnu gwybodaeth o ddyfeisiau electronig: ymchwilio i farwolaeth a (Cymal 42 – Rheoliadau ynghylch echdynnu gwybodaeth electronig)

Mae'r cymal hwn wedi'i ddiwygio fel y nodir ym mharagraff 11 ac yma rwy'n nodi fy safbwynt o ran y cymal hwn fel y'i diwygiwyd.

Nod y darpariaethau ynghylch echdynnu gwybodaeth o ddyfeisiau electronig yw diogelu plant ac oedolion agored i niwed - mae hyn yn cydfynd â nodau a darpariaethau Deddf Gwasanaethau Cymdeithasol a Llesiant (Cymru) 2014. Mae'r cymalau hyn yn effeithio ar faterion datganoledig gan fod personau awdurdodedig at ddibenion y cymalau

hyn yn cynnwys Awdurdodau Datganoledig Cymreig. Rwy'n argymhell bod y Senedd yn rhoi ei chydysyniad i'r cymalau hyn.

19. Trefn gyhoeddus (cymal 61 – Achosi niwsans cyhoeddus yn fwriadol neu'n ddi-hid

Mae'r cymal hwn wedi'i ddiwygio fel y nodir ym mharagraff 13 ac yma rwy'n nodi fy safbwynt o ran y cymal hwn fel y'i diwygiwyd.
Er bod trefn gyhoeddus yn fater a gedwir yn ôl, mae'r elfennau sŵn yn y cymalau hyn yn ymwneud â materion iechyd yr amgylchedd, sydd wedi'u datganoli i'r Senedd ac i Weinidogion Cymru. Rydym yn cefnogi'r cymal ynghylch diogelu trigolion rhag cynnydd mewn llygredd sŵn. Felly, byddaf yn argymhell bod y Senedd yn rhoi cydsyniad i gymal 61.

Safbwynt Llywodraeth Cymru ar y Bil fel y'i diwygiwyd – cymalau yr wyf yn argymhell bod y Senedd yn atal ei chydysyniad iddynt (er gwybodaeth)

20. Cymal 47 – Difrod troseddol i gofebau: dull treial

Nid yw cymal 47 wedi'i ddiwygio gan y gwelliannau a osodwyd ar 1 Rhagfyr y mae'r Memorandwm atodol hwn yn ymwneud â hwy. Fodd bynnag, rwyf yn ailddatgan fy safbwynt mewn perthynas â chymal 47 yma.

Rwyf yn nodi isod y rhesymau a roddwyd gennyf yn y Memorandwm a osodwyd ar 28 Mai, nad yw fy marn yn eu cylch wedi newid.

Er bod dedfrydu a'r llysoedd yn fater a gadwyd yn ôl, mae henebion, cofebau a diwylliant wedi'u datganoli. Rydym o'r farn bod creu'r posibilrwydd o roi unigolyn o flaen ei well yn Llys y Goron a'i garcharu am hyd at 10 mlynedd (neu am oes, os oedd gan y diffynnydd fwriad, neu os oedd yn fyrbwyll, o ran ymgysylltu â bywyd) am ddifrod troseddol gwerth llai na £5000 yn anghymesur. Mae'r cymal hwn yn diwygio'r weithdrefn ar gyfer ymdrin â difrod troseddol i gofebion, sydd, yn ein barn ni, o fewn cymhwysedd y Senedd ac felly rwy'n argymhell bod y Senedd yn atal ei chydysyniad ar gyfer y cymal hwn.

21. Cymal 56 a 57 – Trefn Gyhoeddus – Gosod amodau ar orymdeithiau a gosod amodau ar gynulliadau cyhoeddus, a Chymal 62 - Protest un person

Mae'r cymalau hyn wedi'u diwygio fel y nodir ym mharagraff 12 ac yma rwy'n nodi fy safbwynt mewn perthynas â'r cymalau hyn fel y'u diwygiwyd.

Er bod trefn gyhoeddus yn fater a gadwyd yn ôl, mae'r elfennau sŵn yn y cymalau hyn yn ymwneud â materion iechyd yr amgylchedd, sydd wedi'u datganoli i Lywodraeth Cymru. Rydym yn cefnogi'r cymal o ran amddiffyn trigolion rhag mwy o lygredd sŵn, ond cyfrifoldeb Llywodraeth Cymru yw hyn. Er nad oes gan Lywodraeth Cymru bwerau i gyfarwyddo'r heddlu mewn perthynas â lefelau sŵn, mae ganddi gyfrifoldeb cyffredinol dros leihau sŵn ac mae'n gyfrifol am gyfarwyddo awdurdodau lleol ar y mater

hwn. Nid yw'r ddeddfwriaeth wedi'i diffinio'n glir ac felly mae'n anodd asesu ei goblygiadau o ran cyfrifoldebau Awdurdodau Datganoledig Cymreig. Rwy'n argymhell, felly, bod y Senedd yn atal ei chydysyniad i'r cymalau hyn.

22. Gwersylloedd Diawdurdod

Nid yw cymal 63 wedi'i ddiwygio gan y gwelliannau a osodwyd ar 1 Rhagfyr y mae'r memorandwm atodol hwn yn ymwneud â hwy. Fodd bynnag, rwyf yn ailddatgan fy safbwynt mewn perthynas â chymal 63 yma.

Mae cymal 65 wedi ei ddiwygio fel y nodir ym mharagraff 10 ac yma rwy'n nodi fy safbwynt mewn perthynas â'r cymal hwn fel y'i diwygiwyd.

Nid yw ymagwedd Llywodraeth Cymru o ran rheoli gwersylloedd diawdurdod wedi newid. Rydym yn canolbwyntio ar ymgysylltu â chymunedau ac ar fuddsoddi ar gyfer darpariaeth ddigonol o safleoedd awdurdodedig a galluogi awdurdodau lleol i fodloni gofynion llety (preswyl a chludiant) cymunedau Sipsiwn a Theithwyr. Mae'r maes gwaith hwn yn cael blaenoriaeth unwaith yn rhagor yn y Cynllun Gweithredu Cydraddoldeb Hiliol, sy'n cynnwys nod penodol o fynd i'r afael yn well ag anghenion llety'r cymunedau hyn. Felly, rwy'n parhau i argymhell bod y Senedd yn atal ei chydysyniad i gymalau 63 a 65.

Goblygiadau ariannol

23. Mae'n bosibl y bydd goblygiadau ariannol ond ni fydd hyn yn glir hyd nes y gweithredir y mesurau yn y Bil.

Casgliad

24. Ceir darpariaethau yn y Bil hwn sy'n cyd-fynd â pholisïau Llywodraeth Cymru ac y mae Llywodraeth Cymru yn eu croesawu ac maent yn cyd-fynd â pholisïau Llywodraeth Cymru. O ran darpariaethau o'r fath, yr wyf yn argymhell bod y Senedd yn rhoi ei chydysyniad i'r cymalau hynny, fel y'u rhestrir ym mharagraff 14 am y rhesymau a nodir ymhellach ym mharagraffau 16-19.

25. Fodd bynnag, ceir darpariaethau yn y Bil hwn nad ydynt yn cyd-fynd â pholisïau Llywodraeth Cymru. O ran darpariaethau o'r fath, rwyf yn argymhell bod y Senedd yn atal ei chydysyniad i'r cymalau hynny, fel y'u rhestrir ym mharagraff 15, am y rhesymau a nodir ymhellach ym mharagraffau 20-22.

Jane Hutt AS
Y Gweinidog Cyfiawnder Cymdeithasol
20 Rhagfyr 2021